

## KËNGA E AVDYL FRASHËRIT

*Këngë popullore labe*

Avdyl, prishe pasurinë,  
Një barrë flori.  
Hipe vaporrit e shkove,  
Për në Gjermani.  
Vajte te Bismarku brënda,  
Ndënje në skami.  
Të pyetën e të thanë:  
“Djalë, nga je ti?”  
Unë jam nga Shqipëria,  
Avdyl Frashëri.  
Ju lutem shikoni mirë  
Dhe për Shqipëri.  
Mos e bëni copa-copa,  
Sikur s’ka njeri.  
S’jemi grekër, as bullgarë,  
As nga Mal’ i Zi.  
Po ne jemi shqipëtarë,  
Kërkojmë liri!